



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

Broj: 06-04-9602-1/20  
Sarajevo, 17.04.2020. godine

Na osnovu Programa mjera sufinansiranja zapošljavanja i održavanja postojeće zaposlenosti u boračkim zadrugama sa područja Kantona Sarajevo za 2020/2021. godinu prihvaćenog Zaključkom Vlade Kantona Sarajevo broj: 02-04-9916-9/20 od 13.04.2020. godine Ministarstvo za boračka pitanja Kantona Sarajevo, o b j a v l j u j e

**JAVNI POZIV**  
**za realizaciju mjere sufinansiranja održavanja postojeće zaposlenosti u boračkim zadrugama sa područja Kantona Sarajevo**

**I - PREDMET JAVNOG POZIVA**

Programom mjera sufinansiranja zapošljavanja i održavanja postojeće zaposlenosti u boračkim zadrugama sa područja Kantona Sarajevo za 2020/2021. godinu broj: 06-04-9602/20 od 07.04.2020. godine, usvojena je i Mjera sufinansiranja zapošljavanja boračke populacije i održavanja postojeće zaposlenosti u boračkim zadrugama sa područja Kantona Sarajevo. Ova mjera predstavlja pravo sudjelovanja u raspodjeli sredstava koju mogu ostvariti zadruge sa područja Kantona Sarajevo, a koje okupljaju boračku/braniteljsku populaciju (uključujući i članove njihove uže porodice) u svrhu zapošljavanja boračke populacije sa evidencije nezaposlenih u Kantonu Sarajevo ili u svrhu održavanja postojeće zaposlenosti u boračkim zadrugama sa područja Kantona Sarajevo.

Opći cilj Programa je shodno mogućnostima dati doprinos na prevazilaženju novonastalih uslova otežanog funkcionisanja društvene zajednice usljed pandemije koronavirusa, u segmentu koji se odnosi na oblast zaštite boračke populacije.

Poseban cilj Programa je povećanje mogućnosti za održavanje zaposlenosti boračke populacije i eventualno novo upošljavanje u oblasti zadružnog sektora, pružanje i drugih vrsta pomoći boračkom zadrugarstvu, kako bi se uz druge aktivne mjere Vlade doprinijelo sanaciji posljedica koronavirusa na području Kantona Sarajevo.

Predmet ovog Javnog poziva je provođenje Mjere sufinansiranja održavanja postojeće zaposlenosti u boračkim zadrugama sa područja Kantona Sarajevo.

U Budžetu Kantona Sarajevo, razdjel Ministarstvo za boračka pitanja za realizaciju Mjere sufinansiranja održavanja postojeće zaposlenosti u boračkim zadrugama sa područja Kantona Sarajevo, planirana su sredstva na odgovarajućoj budžetskoj poziciji.



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012,  
Fax: + 387 (0) 33 562-251

Sarajevo, Reisa Džemaludina Čauševića 1





Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

## II - PRAVO UČEŠĆA

Pravo učešća na ovom Javnom pozivu imaju boračke zadruge i zadruge koje u svom sastavu okupljaju najmanje 70% zadrugara iz boračke populacije u cilju sufinansiranja održavanja postojeće zaposlenosti u boračkim zadrugama sa područja Kantona Sarajevo.

Pravo učešća u ovoj mjeri nemaju subjekti koji su učestvovali po bilo kojem osnovu ranije u drugim mjerama Programa za poticaj zapošljavanja boračke populacije u Kantonu Sarajevo i to:

- mjeri stimulisanja poslodavaca sa područja Kantona Sarajevo da zapošljavaju pripadnike boračke populacije i članove njihovih porodica koji su prijavljeni na evidenciju nezaposlenih u Kantonu Sarajevo putem sufinansiranja zapošljavanja;
  - mjeri sufinansiranja za samozapošljavanje boračke populacije i članove njihovih porodica koji su prijavljeni na evidenciju nezaposlenih u Kantonu Sarajevo;
- ,a sada bi htjeli ostvariti poticaj putem boračke zadruge.

Pravo učešća u ovoj mjeri nemaju subjekti koji su ostvarili novčanu pozajmicu za otvaranje radnih mjesta (član 24. Zakona o dopunskim pravima boraca/branitelja BiH) putem ovog Ministarstva.

## III - NAČIN ODOBRAVANJA SREDSTAVA

Odobranje sredstava po ovom Javnom poziva vršit će se u skladu sa općim kriterijima i vodeći računa o redosljedu zaprimanja zahtjeva od strane boračkih zadruga za realizaciju ove Mjere.

Opći kriteriji za odobranje sredstava za sufinansiranje održavanje postojeće zaposlenosti u boračkim zadrugama sa područja Kantona Sarajevo su:

- a) da je boračka zadruga registrirana u Kantonu Sarajevo,
- b) da boračka zadruga nije otpuštala radnike poslije 01.03.2020.godine.

Opći kriteriji za odobrenje sredstava za sufinansiranje boračkih zadruga su eliminatorni.

Najveći iznos koji može biti odobren zadruzi je 3.600 KM na ime sufinansiranja isplata na mjesečnom nivou plaća i obaveza po osnovu zakonom propisanih poreza i doprinosa za period od 6 (šest) mjeseci po jednom postojećem radniku, odnosno radnicima koji su u zadruge zaposleni prije 01.03.2020. godine. Svi drugi eventualni troškovi padaju na teret poslodavca.





Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Veteran's affairs**

Vrijednovanje aplikacija se vrši na osnovu priložene dokumentacije. Vrijednovanje vrši Stručni tim pri Ministarstvu, koji sačinjava i prijedlog liste aplikanata za učešće u mjeri. Konačnu listu aplikanata utvrđuje Ministar nakon čega se pristupa zaključenju ugovora sa aplikantima čije su aplikacije za učešće u ovoj mjeri prihvaćene.

Sa korisnicima sredstava za sufinansiranje održavanja postojeće zaposlenosti ugovorom se uređuju međusobna prava i obaveze Ministarstva i korisnika sredstava, obavezu korisnika sredstava da održi registrovanu djelatnost najmanje 6 mjeseci, obavezu isplate naknada i pripadajućih poreza i doprinosa za radnike koji su u zadrugu zaposleni prije 01.03.2020. godine, obavezu pravdanja pomenutih troškova i dr.

Svaki korisnik odobrenih sredstava, obavezan je dostavljati mjesečne izvještaje o utrošku odobrenih sredstava, dostaviti detaljan izvještaj nakon realizacije odobrenih sredstava za period od 6 meseci, odnosno za period do okončanja ugovorenih obaveza, a po potrebi i dodatni izvještaj na zahtjev Ministarstva. Izvještaji o utrošku odobrenih sredstava se dostavljaju sa finansijskog aspekta zajedno sa kompletnom dokumentacijom, što će se detaljnije propisati odredbama pojedinačno sklopljenim ugovorima sa korisnikom sredstava.

Zadruge su dužne sredstva odobrena od ovog Ministarstva utrošiti u skladu sa ugovorenim obavezama.

#### IV- DOKUMENTACIJA

Sve zainteresirane zadruge prilikom apliciranja na Javni poziv dužne su u roku predviđenom u Javnom pozivu, dostaviti **u originalu ili ovjerenoj fotokopiji** slijedeću dokumentaciju:

- Adekvatno popunjen i ovjeren aplikacioni formular za sufinansiranje održavanja postojeće zaposlenosti;
- Rješenje o registraciji zadruge u Kantonu Sarajevo;
- Zadružna pravila;
- Dokaz o zadrugarskom statusu (spisak zadrugara registrovanih u knjigu zadrugara ovjeren od strane nadležnog organa);
- Uvjerenje o pripadnosti boračkoj populaciji za zadrugare, kao i za članove njihovih uži porodica ukoliko su sastavni dio projekta dokumentaciju kojom dokazuju da se radi o članovima uže porodice (rodni list, vjenčani list i sl.);
- Ugovor ili potvrdu od banke o otvaranju računa sa navedenim transakcijskim/tekućim računom;
- Uvjerenje o izmirenim obavezama po osnovu poreza i doprinosa **ne starije od 30 dana od dana objave javnog poziva sa listingom o trenutnom broju zaposlenih (Porezna uprava FBiH),**



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012,  
Fax: + 387 (0) 33 562-251

Sarajevo, Reisa Džemaludina Čauševića 1





Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Veteran's affairs**

- h) Uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (Uprava za indirektno oporezivanje BiH), a ukoliko nije PDV obveznik zadruga može dostaviti izjavu ovjerenu od strane nadležnog općinskog organa ili notara;
- i) Specifikacije plaća ovjerene u Poreznoj upravi Federacije BiH za zadnja 3 mjeseca kao dokaz broja zaposlenih do 01.03.2020. godine;
- j) Izjava odgovornog lica za sve članove zadruga, da nisu istovremeno članovi neke druge boračke zadruga, ovjerena od strane nadležnog općinskog organa ili notara;
- k) Izjava da nisu učestvovali po bilo kojem osnovu ranije u drugim mjerama Programa za poticaj zapošljavanja boračke populacije i to:
- mjeri stimulisanja poslodavaca sa područja Kantona Sarajevo da zapošljavaju pripadnike boračke populacije i članove njihovih porodica koji su prijavljeni na evidenciju nezaposlenih u Kantonu Sarajevo putem sufinansiranja zapošljavanja;
  - mjeri sufinansiranja za samozapošljavanje boračke populacije i članove njihovih porodica koji su prijavljeni na evidenciju nezaposlenih u Kantonu Sarajevo;
  - da nisu ostvarili novčanu pozajmicu za otvaranje radnih mjesta (član 24. Zakona o dopunskim pravima boraca/branitelja BiH) putem ovog Ministarstva;
  - Izjava da li je zadruga ostvarila novčanu pomoć po ovom ili sličnom projektu, ako jeste ostvarila potrebno je navesti iznos sredstava i od koga su ista dobijena;
- l) i druga dokumentacija na zahtjev Stručnog tima.

**Potvrdu o izvršenoj zadružnoj reviziji koju izdaje Federalni zadružni savez (ne starija od 2 godine) osim za novoformirane zadruga, po službenoj dužnosti obezbijediti će ovo Ministarstvo.**

Boračke zadruga koje redovno ne izmiruju obaveze uplate javnih prihoda ne mogu učestvovati u Programu, osim u slučaju kad zadruga ima potpisan ugovor sa Poreznom upravom Federacije Bosne i Hercegovine i/ili Upravom za indirektno oporezivanje o uplati duga na rate u kom slučaju je zadruga dužna dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru.

## V- PROCES ODABIRA I OBJAVA LISTE

Obradu zahtjeva će vršiti Stručni tim, a Ministar donosi konačnu odluku o dodjeli sredstava po Javnom pozivu.

Odobranje aplikacija koje ispunjavaju uslove Programa vrši se po vremenu zaprimanja na Protokol Ministarstva i na osnovu toga utvrđuje se prijedlog liste boračkih zadruga za učešće u







Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Veteran's affairs**

Programu. Lista će biti objavljena na info-punktu Ministarstva za boračka pitanja Kantona Sarajevo (šalter sala Kantona Sarajevo) i web stranici Ministarstva [www.mbp.ks.gov.ba](http://www.mbp.ks.gov.ba).

Ministarstvo na osnovu konačne odluke zaključuju ugovore sa krajnjim korisnicima.

## **VI - NADZOR, KONTROLA I IZVJEŠTAVANJE**

Odobrena sredstva za pomoć zadrugama iz Budžeta Ministarstva moraju se iskoristiti za odobrene namjene, prema odredbama ugovora koje će ministarstvo sklopiti sa korisnicima sredstava. Svaki korisnik sredstava odobrenih po ovom Javnom pozivu, obavezan je nakon realizacije odobrenih projekata, a po potrebi i na zahtjev Ministarstva, dostaviti detaljan izvještaj o utrošku odobrenih sredstava sa finansijskog aspekta zajedno sa kompletnom dokumentacijom, što će se detaljnije propisati odredbama pojedinačno sklopljenim ugovorima sa korisnikom sredstava.

Za izvršenje ugovora aplikanti su obavezni obezbijediti безусловnu bankovnu garanciju na odobreni iznos sredstava ili bjanko mjenicu, u zavisnosti od visine odobrenih sredstava što će biti regulisano u samom Ugovoru.

Aplikanti koji budu korisnici sredstava za održavanje postojeće zaposlenosti prije 01.03.2020. godine dužni su u radnom odnosu zadržati postojeći broj radnika koji su imali u momentu podnošenja zahtjeva, osim u opravdanim slučajevima prekida radnog odnosa (odlazaka u penziju postojećih radnika i prekida radnog odnosa iz opravdanih razloga), a do okončanja ugovora o sufinansiranju. U slučaju prekida radnog odnosa iz naprijed navedenih razloga korisnik sredstava je obavezan u što kraćem roku, zaposliti drugu osobu sa evidencije nezaposlenih, za preostali period sufinansiranja.

## **VII - OSTALE INFORMACIJE**

Ukoliko su zadruge u tekućoj godini ostvarile novčanu pomoć po ovom ili sličnom projektu, procijeniti će se da li su dobijena sredstva dostatna, a što će se uzeti u obzir prilikom odobravanja sredstava po ovom Javnom pozivu.

Zahtjevi se dostavljaju u roku od 21 dan od dana objavljivanja ovog poziva, a mogu se po potrebi zaprimati i sve do isteka za ove namjene planiranih sredstava.

Zahtjevi koji nisu kompletirani sa traženim dokumentima iz tačke IV ovog poziva, mogu se dopuniti i kompletirati u roku od 7 dana od dana prijema obavještenja kojim se traži dopuna dokumentacije, a do tada se neće uzimati u razmatranje.



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012,  
Fax: + 387 (0) 33 562-251

Sarajevo, Reisa Džemaludina Čauševića 1





Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

**NAPOMENA:**

- Obavezno predavati fotokopije dokumenata koje moraju biti ovjerene ili original dokumenta.
- Predata dokumentacija svih aplikacija neće se vraćati podnosiocima zahtjeva.

**VIII - MJESTO PODNOŠENJA ZAHTJEVA**

Za priznavanje i ostvarivanje navedenog oblika prava, zahtjevi na posebno propisanom obrascu sa potrebnom dokumentacijom podnose se na slijedeću adresu: Ministarstvo za boračka pitanja Kantona Sarajevo, ulica Reisa Džemaludina Čauševića br. 1, 71000 Sarajevo putem pošte ili ličnim podnošenjem u šalter sali Kantona Sarajevo.

Informacije vezano za predmet Javnog poziva mogu se dobiti na telefon: dir. 033/562-007 ili Centrala 033/562-000 lokal 2007.

Tekst Javnog poziva, propisani aplikacioni formulari i rang lista biće dostupni na Web stranici Ministarstva [www.mbp.ks.gov.ba](http://www.mbp.ks.gov.ba).

